

程

張燕公詩集卷第二

五言律詩

岳州別王十一趙公入朝

昔濫貂蟬長同承雨露
霏今參魚鱉守望羨洞
庭歸浦樹懸秋影江雲
燒落輝離魂似征旆恒
往帝鄉飛

端州別高六

異壤同羈竄途中喜共
過愁多時舉酒勞罷或
長歌南海風潮壯西江
瘴癘多於焉復分手此
別傷如何

長安鄒
振鐸西
請

南中別蔣五向青州

老親依北海賤子棄南荒有淚皆成血無聲不
斷腸此中逢故友彼地送還鄉願作楓林葉隨
君度洛陽

南中別陳七李十

二年共遊處一旦各西東請君聊駐馬看我轉
征蓬盡鷓愁南海離駒思北風何時侶春鴈震
入上林中

留贈張御史張判官

旅竄南方遠傳聞北使來舊庭知玉樹合浦識

珠胎白髮因愁改丹誠託夢迴皇恩若再造爲
憶不然灰

贈高六

北極辭明代南溟宅放臣丹誠由義盡白髮帶
愁新鳥墜炎洲氣花飛洛水春平生歌舞席誰
憶不歸人

贈廣平公宋大

亞相本時英歸來復國楨朝推長孺直野慕隱
之清傳節還閩障皇恩入漢京寧思江上老歲
晏獨無成

和魏僕射還鄉

富貴還鄉國光輝滿舊林
秋風樹不靜君子歎何深
故老空懸劍鄰交日散金
衆芳搖落盡獨有歲寒心

和張監觀赦

日御臨雙闕天街儼百神
雷茲作解氣歲復建寅春
喜候開星驛歡聲發市人
金環能作賦來入管絃新

和朱使欣道峽似巫山之作

江如曉天靜石似暮雲張
征帆一流覽宛若巫

山陽楚客思歸路秦人謫異鄉
猿鳴孤月夜再使淚霑裳

和朱使二首

南土多爲寇西江盡畏途
山行阻篁竹水宿礙荏蒲
使越才應有征蠻力豈無
空傳人贈劍不見虎銜珠

江勢連山遠天涯此夜愁霜空極天靜寒月帶江流
思起南征棹文高北望樓
自憐如墜葉汎汎侶仙舟

寄天台司馬道士

世上未真客天台去不還傳聞有仙要夢寐在
茲山朱闕青霞斷瑤堂紫月閒何時在飛鶴笙
吹接人間

深渡驛 一作曲江

旅宿青山夜荒庭白露秋洞房懸月影高枕聽
江流猿響寒巖樹螢飛古驛樓他鄉對搖落併
覺起離憂

下江南向夔州

天明江霧歇洲浦棹歌來綠水逶迤去青山相
向開城臨蜀帝祀雲接楚王臺舊知巫山上游

子共徘徊

還至端州驛前與高六別處

舊館分江日悽然望落暉相逢傳旅食臨別換
征衣昔記山川是今傷人代非往來皆此路生
死不同歸

四月一日過江赴荊州

春色沅湘盡三年客始回夏雲隨比帆同日過
江來水漫荊門出山平郢路開比肩羊叔子千
載豈無才

相州北亭

人務南亭少風煙北院多山花迷徑路池水拂
藤蘿萍散魚時躍林幽鳥任歌悠然白雲意乘
興抱琴過

荊州亭入朝

巫山雲雨峽湘水洞庭波九辯人猶擯三秋鴈
始過旃裘吳地盡碧薦楚言多不果朝宗願其
如江漢何

岳州山城

山城豐日暇閉戶見天心東曠迎朝色西樓引
夕陰書觀千載近學靜二毛深忽有南風至吹

君堂上琴

奉和山城

失名氏

郡館臨清賞閑倚坐白雲訟虛堂戶曙觀靜竹
簷曛懸榻迎賓下趨庭學禮聞風傳琴上意送
向日華紛

岳州晚景

別作公
子均詩

晚景寒鴉集秋聲海鴈歸水光浮日去霞彩映
虹飛洲白蘆花吐園紅柿葉稀長沙卑濕地九
月未成衣

庾信宅作

蘭城追宋玉舊宅偶詞人筆湧江山氣文驕雲
雨神包胥非救楚隨會反留秦獨有東陽守來
嗟古樹春

岳州守歲

除夜清樽滿寒庭烽火多舞衣連臂拂醉坐兮
聲歌至樂都忘我冥心自委和今年只如此來
歲知如何

晦日

晦日嫌春淺江浦看瀟衣道傍花欲合枝上鳥
猶稀共憶浮橋晚無人不醉歸寄書題此日鴈

過洛陽飛

湘州九日城北亭子

西楚茱萸節淮南戲馬臺寧知沅水上復有菊
花杯亭帳憑高出親游自遠來短歌將急景同
使輿情催

戲草樹

忽驚石榴樹遠出渡江來戲問芭蕉葉何愁心
不開微霜拂宮桂淒吹掃庭槐榮盛更如此慙
君獨見哀

詠塵

仙浦生羅襪神京染素衣
裨出期益峻照日幸
增輝夕伴龍媒合朝遊
鳳輦歸獨憐范甌下思
繞畫梁飛

道家四首奉勅撰

金壇啓曙闈真氣肅微微
落月銜仙竇初霞拂
羽衣香隨龍節下雲逐
鳳簫飛暫往蓬萊戲千
年始一歸

窈窕流精觀深沉紫翠庭
金奩調上藥寶案讀
仙經作賦看神雨乘槎
辨客星祇應謝人俗輕
舉託雲駟

金爐承道訣玉牒啓玄機
雲逐笙歌渡星流宮
殿飛乘風嬉浩蕩窺月
弄光輝唯有三山鶴應
同千載歸

道記開中籙真官表上清
焚香三鳥至鍊藥九
仙成天上靈書下空中
妙妓迎迎來出煙霧渺
渺戲蓬瀛

惠太子挽歌詞二首

碣館英靈在瑤山美謚尊
剪桐悲曩戲攻玉愴
新恩宮仗專馳道朝衣送
國門千秋穀門外明
月照西園

梁國深文雅淮王愛道仙帝歡同宴日神奪上
賓年旒旒飛行樹帷宮宿野烟指言君愛弟輝
淚滿山川

韋譙公挽歌二首

五瑞分王國雙珠映后家文飛書上鳳武結笥
中蛇出豫榮前馬迴鸞表後車袞衣將錫命泉
路有光華

國騁雙麒麟庭儀兩鳳凰將星連相位玉樹伴
金鄉歌舞侯家艷軒裘戚里光安知杜陵下碑
版已相望

右丞相挽歌二首

王宰丹青化春鄉禮樂才緇衣傳舊職華袞贈
新哀路泣群官送山嘶駟馬迴佳辰無白日賓
閣有青苔

門歌出野田冠帶寢窮泉萬事皆身外平生尚
目前西垣紫泥縛東岳白雲篇自惜同聲處從
今遂絕絃

崔尚書挽詞

相宅乾坤寶承家占海封庭中男執鴈門外夕
乘龍鳴玉遊三省攬金侍九重一朝賓客散留

劍在青松

右侍郎集賢院學士徐公挽詞

才美臨淄北名高淮海東羽儀三省遍漁獵五
車通玉殿孤新榜珠英落舊叢徒懸一寶劍何
處訪徐公

崔司業挽歌二首

海岱英靈氣膠庠禮樂資風流滿天下人物擅
京師疾起楊雄賦魂遊謝客詩從今好文主遺
恨不同時

象設存華館威儀下墓田鳳池傷舊草麟史泣
遺編帷蓋墟煙沒干旌籠日懸古來理玉樹流
恨滿山川

李工部挽歌三首

錦帳爲郎日金門待詔時楊宮先上賦栢殿幾
連詩瞬息琴歌斷淒涼簫挽悲那看灞陵岸廻
首望京師

宅兆西陵上平生雅志從城臨丹闕近山望白
雲重會塋知元伯看碑識蔡邕無由接神理揮
涕望青松

常時好賓客永日對絃歌是日歸泉下傷心無

禁何墓庭人已散，祭處鳥來過。碑石生苔蘚，榮名豈復多。

贈二部尚書馮公挽歌三首

忠鯁難爲事，平生盡畏途。如弦心自直，秀木勢恒孤。詔葬南陵道，神遷北斗樞。貴門傳萬石，餘慶在雙珠。

爵位題龍旆，威儀出鳳城。路傍人泣送，門外馬嘶迎。萬事非吾有，千悲世是情。昔焉稱夏日，今也謚冬鄉。

宵然長夜臺，舉世可哀哉。泉戶一朝閉，松風四
面來。石碑填駸薛，珠服聚塵埃。誰言遼東鶴，千
年往復迴。

徐高御挽歌

蒲密遙千載，鳴琴始一追。公卿傳世範，仁義續靈基。不待南游祿，何先北帝期。玉棺從此閉，金鼎代相欺。

節義太子揚妃挽歌二首

西華三公族，東闈五可才。玉環初受慶，金玦反逢災。桂殿花空落，桐園月自開。朝雲將暮雨，長繞望思臺。

昔日三朝路透迤四望車繡腰長命綺隱髻連
枝花今春戾園樹索然無歲華共傷千載後惟
號一王家

河上公

尊師厭塵去精魄知何形氣不復往弟子空
傷情濟北神如在淮南藥未成共朝終莫遂寥
落兩無名

五言排律

扈從幸常嗣立山庄應制

寒灰飛玉琯湯井駐金輿既得方明相還尋大

隗若懸泉珠貫下列帳錦屏舒騎遠林逾密笳
繁俗自虛門旗塹複磴殿幕褰通渠舞鳳隨公
主雕龍起婕妤地幽天賞洽酒樂御筵初非才
叨侍從連藻媿應徐

奉和聖製喜雪應制

聖德與天同封巒欲報功詔書期日下靈感應
時通觸石雲呈瑞含花雪告豐積如沙照月散
似麴從風舞集仙臺上歌流帝樂中遙知百神
喜灑路待行宮

奉和聖製暇日游興慶宮作應制

漢武橫汾日周王宴鎬年何如造區夏復此睦
親賢巢鳳新成閣飛龍舊躍泉棣華歌尚在桐
葉戲仍傳禁禦氛埃隔平臺景物連聖慈良有
裕王道固無偏問俗兆人阜觀風五教宣獻圖
開益地張樂奏鈞天侍酌衢樽滿詢芻諫鼓懸
詠言形友愛萬國共周旋

奉和聖製寒食作應制

寒食春過半花濃鳥復嬌從來禁火日會接清
明朝鬪敵雞殊勝爭毬馬絕調晴空數雲點香
樹風搖改木迎新燧封田表舊燒皇情愛嘉

節傳曲與簫韶

奉和聖製賜崔日知往潞州應制

聖情留曩鎮佳氣翊興王增戟雄都府高車轉
太常川橫八練闊山帶五龍長連帥初恩命天
人舊紀綱餞塗飛御藻闔境自生光明主徵循
吏何年下鳳凰

奉和聖製送王駿巡邊應制

六月歌周雅三邊遣夏卿欲施攻戰法先作簡
稽行禮樂知謀帥春秋識用兵一勞堪定國萬
里即長城策有和戎利威傳破虜名軍前雨灑

道樓上月臨營別藻瑤華降同衣錦
榮開山
由義近戎馬爲恩輕絲竹路傍散風雲馬上生
朝廷謂吉甫邦國望君平

奉和聖製春中興慶宮酺宴應制

千齡逢啓聖萬域共來威慶接郊煙後酺承農
事稀街樓橫廣路天樂下重闌鸞鳳調歌曲虹
霓動舞衣合聲雲上聚連步月中歸物觀恩無
外神和道入微鎬京陪樂飲栢殿奉文飛徒竭
秋雲影何資春日暉

春晚侍宴探得開字

聖政惟稽古賓門引上才坊因購書立殿爲集
賢開髦彥星辰下僊章日月迴字如龍負出韻
是鳳啣來庭柳餘春駐宮櫻早夏催喜承芸閣
宴幸奉栢梁杯

奉和聖製花萼樓下宴應制

萬心翹樂宴三舍緩昌時山接夏雲險臺留春
日遲節移芳未歇典隔賞仍追醉後傳嘉惠樓
前舞聖慈皇恩與時合天意若人期故發前旬
雨新垂湛露詩

端午三殿侍宴應制

小暑夏絃應徽音商管初願齊長命縷來續大
恩餘三殿褰珠箔群言上玉除助陽嘗委珮順
節進龜魚甘露垂天酒芝花捧御書合丹全蠲
蛭灰骨共蟾蜍今日傷地意啣珠遂闕如

奉和聖製千秋節宴應制

五德生王者千齡啓聖心赤光來照夜黃雲上
覆晨海縣銜恩久朝章獻壽新高居帝坐出夾
道衆官陳■杖洗清景罄管凝秋旻珠囊含瑞
露金鏡抱仙輪何歲無鄉飲何由不報神薰歌
與名節傳代幸群臣

奉和聖製太行山中言志應制

六龍鳴玉鑿九折步雲端河春南浮近山經北
上難羽儀映松雪戈甲帶春寒百谷晨笳動千
巖曉仗贊皇心感韶節敷藻念人安旣立省方
館復置建神壇扈蹕叅天老承榮忝夏官長勤
百年意思見一勝殘

奉和聖製爰因巡省途次舊居應制

葱鬱興王郡殷憂啓聖圖周成會西土漢武幸
南都歲卜鑿輿邁農祠鴈政敷武威稜外域文
教靡中區警蹕干戈捧朝宗萬玉趨舊藩人事

革新豐國雄殊壁有真龍畫庭餘鳴鳳梧叢觴
祝堯壽合鼎獻湯厨陽樂寒初變春恩蠶更蘇
三者頒命服五稔復田輸君賦大風起人歌湛
露濡從臣觀玉葉方願紀靈符

奉和聖製渡蒲關應制

蒲版橫臨晉華芝曉望秦關城雄地險橋路扼
天津樓映行宮日隄含宮樹春黃雲隨寶鼎紫
氣逐真人東詠唐虞跡西觀周漢塵山河非圖
寶明主愛忠臣

奉和聖製途中經華岳應制

西嶽鎮皇京中峯入太清玉鑿重嶺應緹騎薄
雲迎霽日懸高掌寒空映削成軒游會神處漢
幸望仙情舊廟青林古新碑綠字生群臣願封
岱還駕勒鴻名

奉和聖製過王濬墓應制

牛斗三分國龍驤一統年智高寧受制風急肯
迴船有策擒吳詔無言讓范宣援孤因勢屈功
重爲讒偏舊跡灰塵散枯墳古老傳百代逢明
主何辭死道邊

奉和聖製聖經河上公廟

河上無名老知非漢代人先探道德要留待聖
明辰玄妙爲天下清虛用谷神化將和氣一用
與大初鄰靈廟觀遺像仙歌入至真皇心齊萬
物何處不同塵

奉和聖製幸鳳湯泉應制

周狩因岐禮秦都辨雍名獻禽天子孝存老聖
皇情溫潤宜冬幸游畋樂歲成湯雲出水殿暖
氣入山營坎意無私結乾心稱物平帝歌流樂
府溪谷也增榮

宿直溫泉宮羽林獻詩

冬狩美秦正新豐樂漢行星陳玄武閣月對羽
林營寒木羅霜代空山響夜更恩深靈液暖節
効古松貞文武皆王事輸心不爲名

玄武門侍射

并序

開元之初季冬其望天子始御北闕朝羽林
軍禮脩事厥后二日乃命紫薇黃門九卿六
事與熊羆之將瓜牙之臣合宴焉侑以純錦
頒以珍噐爾其射墉新成布侯旣設槊仗林
立帷軒霧布衆官半醉皇情載悅卷珠箔臨
玉除唐弓在手夏箭斯發應弦命中屬羽連

飛弧矢已來未之有也若夫天地合道星辰
獻儀端視和容內正外直自近而制遠耀威
而觀德無不通神無不極用是射也其惟聖
人乎于時繁雲覆城大雪飛苑天人同澤上
下交懽退食懷恩賦詩頌義凡若干篇

射觀通玄闕兵欄闕御筵彫弧月半上畫的暈
重圓羿后神幽贊靈王法暗傳貫心精四返飲
羽妙三聯雪鶴來銜箭星麟下集弦一逢軍宴
洽萬慶武功宣

扈從南出雀鼠谷

豫動三靈贊特巡四海威硤關凌曙出平路半
春歸霍鎮迎雲蓋汾河送羽旂山南柳半密谷
北草全稀遲日宜華蓋和風入夾衣上林千里
近應見百花飛

將赴朔方軍應制

禮樂逢明主韜鈴用老臣恭憑神武策遠御鬼
方人供帳榮恩餞山川喜詔巡天文日月送朝
賦管絃新幼志傳三畧衰材謝六鈞膽猶忠作
伴心故道爲鄰漢保河南地胡清塞北塵連年
大軍後不日小康辰劍舞輕離別歌酣忘苦辛

從來恩博望許國不謀身

奉和御製命宴東堂賜詩

大塊鎔群品輕生偶聖時猥承三仕命虛忝百僚師右揆謀華碩前星傳重資連騫求舊禮濫點樂賢詩賜釜同榮拜掞金宴宰司菊花吹御酒蘭葉捧天詞寶曆休明盛頽年咎漏衰少留青史筆未敢赤松期

恩賜樂游園宴

漢苑佳遊地軒庭近侍臣共持榮幸日來賞艷陽春饌王頒王篚掞金下帝鈞池臺草色徧宮

觀柳條新花綬先連榻朱顏暢飲醇聖朝多樂事天意每隨人

三月二十日詔宴樂游園賦得風字

樂遊形勝地表裏望郊宮北闕連天頂南山對掌中皇恩貸芳月旬宴羨成功魚戲芙蓉水鶯啼楊柳風春光看欲暮天澤戀無窮長袖招斜日留光待曲終

洛橋北亭詔餞諸刺史

離亭拂御溝岸曲舞船樓詔餞朝庭牧符分海縣憂股肱還人郡父母更臨州扇逐仁風轉車

隨霖雨流恩光水上溢榮色柳間浮預待群方
最三公不遠求

岳州宴姚紹之并序

姚司馬往在栢臺每欽骨鯁及茲荒服偶得
官聯復有令弟美徹芬芳襲予山寺外廬幽
深形勝童冠是集歡言賦詩

杞梓滯江濱光華向日新難兄金作友媚子王
爲人山水含秋興池亭借善鄰簷松風送靜院
竹鳥來馴翠竿吹黃菊凋盤鱸紫鱗緩歌將醉
舞爲拂綉衣塵

溫泉馮劉二監客舍觀妓

溫泉寒林薄王游樂事多佳人蹀駿馬乘月夜
相過秀色燃紅黛嬌香發綺羅鏡前鸞對舞琴
裏鳳傳歌妬寵傾新意銜恩柰老何爲君留上
客歡笑斂雙蛾

對酒行巴陵作

留侯封萬戶園令壽千金本爲成王業初由賦
上林繁榮安足恃霜露迺相尋鳥哭楚山外猿
啼湘水陰夢中城闕近天畔海雲深空對忘憂
酒離憂不去心

送趙二尚書彥昭北伐

虜地河水合邊城備此時兵連紫關路將舉白
雲司題劍榮中賞銜珠盛出師日華光組練風
色焰旌旗投筆尊前起橫戈馬上辭梅花吹別
引楊柳賦新詩

送趙順直郎中赴安西

絕鎮功難立懸車命匪輕復承遷相後珍重任
賢情將起神僊地才稱禮樂英長心堪繫虜短
語足論兵日授休明法星教置陣名龍泉恩已
署燕頷相終成月窟窮天遠河源入塞清老夫

操別翰承旨頌昇平

送蘇令商

都邑郡芳首商泉舊俗訛變風湏愷悌成化佇
絃歌疇昔珪璋友雍容文雅多振纓遊省闈鏘
玉宰京河別曲鸞初下行軒雉尚過百壺非餞
意流詠在人和

送喬安邑備

書閣移年歲文明難復辭歡言冬雪滿恨別夏
雲滋外尹方爲政高明自不欺老人叅馭任童
子狎雛嬉日茂西河俗寂寥東觀期遙懷秀才

令京洛見新詩

送宋休遠之蜀任

求友殊損益行道異窮申綴我平生氣吐贈薄
游人結恩事明主忍愛遠辭親色麗城都俗膏
腴蜀水濱如何從宦子堅白共緇磷日月千齡
旦河山萬旅春懷鉛書瑞府橫草事邊塵不及
安人吏能令王化淳

岳州別梁六入朝

遠莅長沙渚欣逢賈誼才江山疲應接風日復
晴開江樹雲間斷湘山水上來近洲朝鷺集古

戊夜猿哀吟

含蒼

河蒲秀紫臺月餘偏地

賞心盡故人杯自我違京洛嗟君此泝洄容華
因別老交舊與年顏夢見長安陌朝宗實盛哉
石門別楊六飲望

燕人同竄越萬里自相哀影響無期會江山此
地來暮年傷汎梗累日慰寒灰潮水東南落浮
雲西北迴俱看石門遠倚棹兩悲哉

南中送北使二首

傳聞合浦葉曾向洛陽飛何日南風至還隨北
使歸紅顏渡嶺歇白首對秋衰高歌何由見層

堂不可違誰憐炎海曲淚盡血沾衣

待罪居重譯窮愁暮雨秋山臨鬼門路城繞瘴
江流人事令如此生涯尚可求逢君入鄉縣傳
我念京周別恨歸途遠離言暮景適夷歌翻下
淚虜酒未消愁聞有胡兵急深懷漢國羞和親
先是詐款塞果爲讐釋繫應分爵蠲徒幾復侯
廉頗誠未老孫叔且無謀若道馮唐事皇恩尚
可收

伯奴邊見歸田賦因投趙侍御

爾家歎窮鳥

窮鳥用趙壹賦故曰爾家

吾俗賦歸田

用張衡莫

道榮枯異同嗟世網牽黃陵浮泊渚青歲會湘
川去國逾三歲茲山老二年寒鴉鳴舍下昏虎
卧籬前客淚堪班竹離憂欲贈荃放言久無次
觸興感成篇

古泉驛

昔聞陳仲子守義辭三公身耕妻織履樂亦在
其中豈無窮賤苦羞與傾巧同長白臨河上於
陵入濟東我今行至此感歎石泉空

偶遊龍門北溪忽懷驪山別業呈諸留守

幽谷杜陵邊風煙別幾年偶來伊水曲溪嶂覺

依然傍浦憐芳樹尋崖愛綠泉嶺雲隨馬足山
鳥向人前地合心俱盡言同理自玄短才叨重
寄尸祿媿妨賢每揖掛冠侶思從初服旋稻梁
仍欲報歲月坐空捐助嶽無纖芥輸溟謝未涓
還陪北轅去方耘南澗田

奉酌龍門北溪作

石澗泉虛落松崖路曲迴聞君北溪下想像南
山隈近念鼎門別遙思雲障陪不同寄構往空
覩斯文來歲後寒初變春前芳未開黃狴梟岸
柳紫萼拆春梅盡室茲游翫盈門幾樂哉嗟遊
洛陽陌夢詣建章臺野失巢由性朝非元凱才
布懷欽遠近幽意日塵埃

酬常祭酒見贈

聞君湯井至瀟灑憇郊林拂曙攜清賞披雲覩
綠岑歡言遊覽意款曲望歸心是日期佳客同
山忽異尋桃源花路轉楊柳澗門深汎舟伊水
漲繫馬香樹陰繁絃弄水族嬌吹狎沙禽春滿
汀色媚景斜嵐氣侵懷仁殊未遠重德匪
東早敷幽思連詞報所欽

同劉給事城南宴集

水竹幽深地簪纓近侍臣雍容乘暇日瀟灑出
囂塵樹對思朋鳥池深入養鱗管絃高逐吹歌
舞妙含春老子叨專席歡遊隔縉紳此中情不
淺遙寄賞心人

寄許八

萬類春皆樂徂顏獨不怡年來人更老花發意
先衰乳雀穿壇畫巢蜂觸網絲平生羨容色宿
昔影中疑遠道何由夢同心在者誰西風欲寄
語憫默遂無詞

赦歸在道中作

陳焦心息盡死意不期生何幸光華旦流人歸
上京愁將網共解眼與代俱明復是三階正還
逢四海平誰能定禮樂爲國著功成

喜渡嶺

東漢興唐曆南河復禹謀寧知瘴癘地生入帝
皇州雷雨蘇虫蟄春陽放鳥鳩涸涔炎海畔登
降閩山陬嶺路分中夏川源得上流見花便獨
笑看草即忘憂自始居重譯天星已再周鄉關
絕歸望親戚不相求棄杖枯還植窮鱗涸更浮
道清黃鶴去運啓白駒留江妾晨炊黍津童夜

濯舟盛明良可遇墓後洛城遊

清遠江峽山寺

流落經荒外逍遙此梵宮雲峯吐日月石壁淡
烟虹寶塔靈仙湧懸龕造化功天香涵竹氣虛
唄引松風簷牖飛花入廊房激水通猿鳴知山
靜魚戲辨江空靜默將何貴所貴心鏡同

相州冬日早衙

城外宵鍾歛閨中曙火殘朝光曜庭雪宿凍聚
池寒正色臨廳事疑詞定筆端除苛囹圄息伐
枳吏人寬河內功猶淺淮陽疾未安鏡中星髮

變頓使世情闡

岳州作

水國生秋草離居再及瓜山川臨洞穴風日望
長沙物土南州異關河北信餘日昏聞恠鳥地
熱見脩蛇遠人夢歸路瘦馬嘶去家正有江潭
月徘徊戀九華

岳州西城

水國何遼曠風波遂極天西江三紀合南浦二
湖連危堞臨清境煩憂暫豁然九圍觀掌內萬
象閱眸前日去長沙渚山橫雲夢田汀葭變秋

色津樹入寒烟
潛冗探靈詭
浮生揖聖仙
至人今不見
跡滅事空傳

遊洞庭湖

平湖曉望分仙嶠
氛氳鼓枻乘清渚
尋峯弄白雲
江寒天一色
日靜水重紋
樹坐叅猿嘯
沙行入鷺群
綠源班篠密
胷徑綠蘿紛
洞穴傳虛應
楓林覺自薰
雙童有靈藥
願取獻明君

別滄湖

念別滄湖去
浮舟更一臨
千峯出浪險
萬木抱煙深
南郡延恩渥
東山戀宿心
露花香欲醉
特

鳥轉餘音涉趣
皆留賞無奇
不遍尋莫言
山水間幽意在
鳴琴

巴丘春作

日出洞庭水
春山掛斷霞
江岑相映發
卉木共紛華
湘戍南浮闊
荆關北望賒
湖陰窺魍魎
丘勢辨巴蛇
島戶巢爲館
漁人艇作家
自憐心問景
三歲客長沙

春雨早雷

東北春風至
飄飄帶雨來
拂黃先變柳
點素早驚梅
樹藹懸書閣
烟含作賦臺
河魚未上凍
江

蟄已聞雷美人宵夢著金屏曙不開無緣一啓
齒空酌萬年杯

聞雨

窮冬萬化匝永夜百憂攢危戍臨江火空齋入
雨寒斷猿知屢別嘶馬覺虛彈心對爐灰死顏
隨庭樹殘舊恩懷未報頃瞻鏡中看

岳州夜坐

炎洲苦三伏永日卧孤城賴此閑庭夜蕭條夜
月明獨歌還太息幽感見餘聲江近鶴時叫山
深猿屢鳴自心觀有欲棄知返無名五十知天

命吾其達此生

岳州觀競渡

畫作飛鳧艇雙雙競拂流低裝山色變急棹水
華浮土尚三閭俗上傳二女遊齊歌迎孟姥獨
舞送陽侯鼓發南湖差標爭西驛樓並驅恒詫
速非畏日光道

七言律詩

陽烏恒保日志嫌陰鶴欲凌天天情玩訝良無
已察圖果見祥經裏本持符瑞驗明王還用文
章比君子自憐弱羽詎堪珍喜共華篇來示人

人見嚶嚶報恩鳥多慙碌碌具官臣

五言律詩

侍宴武三思山第賦得風字韻

梁王池館好曉日鳳樓通竹町羅千衛蘭筵降
兩宮清歌芳樹下妙舞落花中臣覺筵中聽遠
如大國風

侍宴荷亭

迴鑿青岳觀帳殿紫煙峯仙路迎三鳥劉向九

篇云三鳥飛飛以自南覽其志而欲雲衢駐兩
北顧寄言於三鳥去飄疾而不可得龍
山海經曰大樂之野夏后氏啓於此舞九代
音馬乘兩龍王元長曲求詩亭所謂夏后兩龍

載驅璿臺之上園林看故塔壇墀識餘封山外聞簫管

還如天上逢

侍宴漣水賦作濃字

千行發御柳一葉下仙筇青浦宣游至朱城紫
氣濃雲霞交暮色草樹喜春容藹藹天旗轉清
笳入九重

奉和聖製登驪山矚眺應制

寒山上半空臨眺畫圖中是日巡游處晴光遠
近同川明分渭水樹暗辨新豐巖壑清音暮天
環北極鳴笳步步引南薰松間彩殿籠佳氣山

上未旗繞瑞雲不知遠夢華胥國何如親奉帝
堯君

三月三日詔宴定昆池宮莊賦得筵字

鳳凰樓下對天泉鸚鵡洲中匝管絃舊識平陽
佳麗地今逢上巳盛明年舟將水動千尋日幕
共林橫兩岸煙不降王人觀襖飲誰令醉舞拂
賓筵

同趙侍御巴陵早春作

江上春來早可觀巧將春物妬餘寒水苔共繞
留石花鳥爭開闔鴨欄佩勝芳辰日漸暖燃

燈羨夜月初圓意隨北鴈雲飛去待南州蕙
草殘

遙同蔡起君偃松篇

清都衆木總榮紛傳道孤松最出群名接天庭
多景色氣連宮闕借氛氲懸池的的停華露偃
蓋重重拂瑞雲不惜流膏助仙鼎願將楨幹奉
明君莫比冥靈楚南樹朽老江邊代不聞

幽州新歲作

去歲荆南梅似雪今春薊北雪如梅共知人事
何常定且喜年華去復來邊鎮戍歌連夜動京

城燎火徹明開遙遙西向長安日願上南山壽
一杯

贈崔二安平公樂世詞一首

十五紅粧侍綺樓朝承握槊夜藏鈎君臣一意
金門寵兄弟雙飛玉殿游寧知宿昔恩華樂變
化瀟湘離別愁地濕莓苔生舞袖江聲怨歎人
筮篥自憐京北雙眉無會待南來五馬留

舞馬千秋萬歲樂府詞三首

金天誕聖千秋節王醴還分萬壽觴試聽紫駟
歌樂府何如駉驥舞華觴連騫勢出魚龍變躩

蹠驕生鳥獸行歲歲相送
樹日翩翩來伴慶

雲翔

聖皇至德與天齊天馬來義自海西腕足徐行
拜兩膝繁驕不進踏千蹄髻鬚奮鬣時蹲踏鼓
怒驤身忽上躋更有銜杯終宴曲垂頭掉尾醉
如泥

遠聽明君愛逸才玉鞭金翅引龍媒不因茲白
人間有定是飛黃天上來影弄日華相照耀噴
含雲色且徘徊莫言闕下桃花舞別有河中蘭
葉開

五言絕句

奉和聖製潼關口號應制

天德平無外關門東復西不將千里隔何用一
丸泥

嶺南送使二首

嶽中生白髮嶺外罷紅顏古來相送處凡得幾
人還

萬里投荒裔來時不見親一朝成白首看取報
家人

清夜酌

秋陰士多感雨息夜無塵清罇宜明月復有平
生人

醉中作

醉後樂
彌勝未醉時動容皆是舞出語總
成詩

送梁知微渡海東

今日此相送明年此相待天上客星迴知君渡
東海

寄劉道士烏江

真人降紫氣邀我丹田宮遠寄雙飛鳥飛鳥不

礙空

荅香能和尚塔

大師捐世去空餘法力在遠寄無礙香心隨到
南海

被使在蜀

卽今三伏盡尚自在臨邛歸途千里外秋月定
相逢

正朝摘梅

蜀地寒猶暖正朝發早梅偏驚萬里客已復一
年來

傷妓人董氏四首

董氏嬌饒姓多爲窈窕名人隨秋月落韻入擣
衣聲

粉蕊粘粧籠金花喝翠條夜臺無戲伴魂影向
誰嬌

舊亭紅粉閣宿處白雲關春日雙飛去秋風獨
不還

舞席沾殘粉歌深委舊塵獨傷窓裏月不見帳
中人

六言



原件短缺

P32-P33

破陳樂詞二首

漢兵出頓金徽照日光明鐵衣百里火燔燭燭
千行雲騎霏霏蹙踏遼河自竭鼓譟燕山可飛
正屬西方朝駕端知萬舞皇威

少年膽氣凌雲共許驍雄出群疋馬城西挑戰
單刀薊北從軍一鼓鮮卑送款五餌單于解紛
誓欲成名報國羞將開閣論勲

舞馬詞六首

萬玉朝宗鳳
千金率領龍
媒眄鼓疑驕躩
蹀聽歌弄影徘徊

塵遙微衛叔日龍上借羲和將共兩駿爭舞
東隨八駿齊歌

綵旄八佾成行特龍五色因方屈膝啣杯赴節
傾心獻無疆

帝皂龍駒沛艾星蘭驥子權奇騰倚驤洋應節
繁騎接跡不移

二聖先天合德群靈率土可封繁石駮驪柴燕
撻金顧步蒼龍

聖君出震憲籙神馬浮河獻圖足踏天庭鼓舞
心將帝樂踟蹰



原件短缺

P36

七言絕句

侍宴渭亭應制

青郊上巳艷陽年
紫禁皇遊禊渭川
幸得歡娛承湛露
心同草樹樂春天

桃花園上馬

林間艷色驕天馬
苑裏濃粧伴麗人
願逐南風飛帝席
年年含笑舞青春

奉和聖製同玉真公主遊大歌山池題石

壁

池如明鏡月華開
山學香爐雲氣來
神藻飛爲

遍宇宙來將歌舞助歡娛

繡裝帕額寶花冠
夷歌騎舞借人看
自能激水

成陰氣不慮今年寒不寒


臘月凝陰積帝臺
齊歌急鼓送寒來
油囊取得天河水
將添萬壽萬年杯

寒氣宜人最可憐
故將寒水散庭前
惟願聖君無限壽
長取新年續舊年

昭宗皇后之家
親榮樂諸人不比人
往日霜前

七女地今年後
獨逢春

張燕公集卷第二終



圖書印

